



### ანგარიში გაწეული მუშაობის შესახებ

წარმოგიდგენთ ანგარიშს 2023 წლის 1 იანვრიდან დღემდე გაწეული მუშაობის შესახებ. მოგახსენებთ, რომ ამ პერიოდში ჩატარდა საფინანსო-საბიუჯეტო საკითხთა კომისიის 8 სხდომა. აქედან ოთხი ჩატარდა გაერთიანებული შრომის, ჯანმრთელობის დაცვისა და სოციალურ საკითხთა კომისიასთან.

კომისიებზე განხილულ იქნა 48 განკარგულების პროექტი, რომელიც გავიდა საკრებულოს სხდომაზე და დამტკიცდა.

მიმდინარე წლის 1 იანვრიდან დღემდე მოწვეული იქნა და ჩატარდა საკრებულოს 9 სხდომა (მათ შორის 2 რიგგარეშე სხდომა, რიგგარეშე სხდომები ძირითადად მოწვეული იყო მუნიციპალიტეტის მერის წინადადებით). ჩატარდა ბიუროს 19 სხდომა. ვესწრებოდი სხდომებს და აქტიურად ვიყავი ჩართული.

მოგახსენებთ, რომ ვარ თვითნებურად დაკავებული მიწის აღიარების კომისიის წევრი.

ასევე, როგორც გენდერული თანასწორობის საბჭოს წევრი, აქტიურად ვარ ჩართული საბჭოს საქმიანობაში, განხორციელებულ პროექტებსა და ტრენინგებში.

### ტრენინგები :

„სამტრედიის რაიონული პროკურატურა“ - გენდერული ნიშნით მოტივირებული ქალთა მკვლევარების წინააღმდეგ საინფორმაციო კამპანიის ფარგლებში „არა ფემიციდს“.

„დემოკრატიული ჩართულობის ცენტრების ქსელი“ - ძალადობა, დაცვის მექანიზმები და ელექტრონული სამაჯურის გამოყენება.

„რეგიონული განვითარების მხარდაჭერის ცენტრი“ - აუნაზღაურებელი შრომის თანაბარი გადანაწილება და კაცების ჩართულობა.

„სახალხო დამცველი“ - „სექსუალური შევიწროვება და დისკრიმინაცია“.

ასევე, ვესწრებოდი „ფონდი სოხუმი“, ა(ა)იპ რეგიონული ინიციატივების ცენტრი „ნათელი მომავალი“ და ა(ა)იპ „საქართველოს პროფესიული კავშირების გაერთიანება“ს მიერ გამართულ შეხვედრებს.

მონაწილეობას ვღებულობდი, ყველა იმ ღონისძიებასა და აქციაში, რომელსაც მუნიციპალური გენდერული თანასწორობის საბჭო შეუერთდა ( ქალთა დღე, დაუნის სინდრომის საერთაშორისო დღე, საქართველოს დამოუკიდებლობის დღე, ბავშვთა დაცვის საერთაშორისო დღე, წყლის რესურსების დაცვის საერთაშორისო დღე...)

წარმოგიდგენთ, სამტრედიის მუნიციპალიტეტის მერიის 2023 წლის 6 თვის შესრულების ანალიზს.

2023 წლის 1 იანვრისათვის ბიუჯეტის ანგარიშებზე არსებულმა ნაშთმა მთლიანობაში შეადგინა 6,129.3 ათასი ლარი, მათ შორის სახელმწიფო ბიუჯეტიდან არსებული ნაშთი შეადგენს 2,082.6 ათას ლარს, ხოლო ადგილობრივი ბიუჯეტის

ნაშთი - 4,046.7 ათას ლარს.

2023 წლის 6 თვეში ნაშთის ცვლილების სახით ბიუჯეტში ასახულ იქნა 3,124.7 ათასი ლარი, ხოლო ფულადი სახსრების გამოყენებამ შეადგინა 1,182.7 ათასი ლარი.

სამტრედიის მუნიციპალიტეტის 2023 წლის ბიუჯეტის 6 თვის შემოსულობების (შემოსავლები, არაფინანსური აქტივები, ფინანსური აქტივები, ვალდებულებების ზრდა) გეგმა განისაზღვრა 21,832.4 ათასი ლარით, ფაქტიურმა შესრულებამ შეადგინა 18,065.9 ათასი ლარი, ანუ გეგმის 82.7%.

სამტრედიის მუნიციპალიტეტის 2023 წლის ბიუჯეტით განსაზღვრული შემოსავლების გადასახადები, გრანტები, სხვა შემოსავლები) 6 თვის გეგმა 21,142.6 ათასი ლარი, ფაქტიურად 17,342.0 ათასი ლარით შესრულდა, რამაც გეგმის 68.5% და მთლიანი - შემოსულობების 82.0% შეადგინა.

**I . გადასახადების** სახით ბიუჯეტში მთლიანობაში მობილიზებულია 9,929.3 ათასი ლარი და წინა წლის ანალოგიურ მაჩვენებელთან შედარებით (ფაქტი - 8,327.5 ათასი ლარი) მიმდინარე პერიოდში 1,601.8 ათასი ლარით მეტი შემოსავალია მიღებული, რაც ძირითადად დამატებული ღირებულების გადასახადზე მოდის <sup>[1]</sup>.

- **დამატებული ღირებულების გადასახადიდან** მიღებულია 8,310.8 ათასი ლარი, რაც წინა წლის ანალოგიურ მაჩვენებელთან შედარებით (ფაქტი - 6512.9 ათასი ლარი) 1,797.9 ათასი ლარით მეტი შემოსავალია მიღებული.
- **ქონების გადასახადიდან** საანგარიშო პერიოდში მიღებულია 1,618.5 ათასი ლარი, მათ შორის: საწარმოთა ქონების გადასახადიდან (გარდა მიწისა) მიღებულია 1,566.0 ათასი ლარი, ფიზიკურ პირთა ქონებაზე გადასახადიდან (გარდა მიწისა) - 1.8 ათასი ლარი, ხოლო მიწის გადასახადიდან - 50.7 ათასი ლარი. წინა წლის ანალოგიურ მაჩვენებელთან (ფაქტი ქონების გადასახადიდან მიღებული შემოსავლების - 1,814.6 ათასი ლარი) შედარებით 196.1 ათასი ლარით ნაკლები შემოსავალია მიღებული, რაც ძირითადად საწარმოთა ქონების გადასახადზე (გარდა მიწისა) მოდის.

## II . გრანტები

საანგარიშო პერიოდში გრანტების სახით ჩარიცხულია 5,873.0 ათასი ლარი.

## III. სხვა შემოსავლები

საანგარიშო პერიოდში სხვა შემოსავლებისათვის განსაზღვრული 1,361.0 ათასი ლარის ფაქტიურმა შესრულებამ 1,539.7 ათასი ლარი შეადგინა, რაც გეგმის 113.1%-ი და წინა წლის ანალოგიურ მაჩვენებელთან (ფაქტი - 1243.2 ათასი ლარი) შედარებით 296.5 ათასი ლარით მეტი შემოსავალია მიღებული. მათ შორის:

- **პროცენტების** სახით საანგარიშო პერიოდში მიღებულია 292.4 ათასი ლარი, რაც წინა წლის ანალოგიურ მაჩვენებელთან (ფაქტი - 272.7 ათასი ლარი) შედარებით 19.7 ათასი ლარით მეტია.
- ü **სათამაშო ბიზნესის მოსაკრებლის სახით საანგარიშო პერიოდში მიღებულია 516.0 ათასი ლარი, რაც გეგმის (508.0 ათასი ლარი) 101.6%-ია.**
- ü **დასახლებული ტერიტორიის დასუფთავებისათვის ადგილობრივი მოსაკრებლიდან** საანგარიშო პერიოდში მიღებულია 86.5 ათასი ლარი, რაც წინა წლის ანალოგიურ მაჩვენებელთან შედარებით (ფაქტი - 72.8 ათასი ლარი) 13.7 ათასი ლარით მეტია.

ü არასაბაზრო წესით გაყიდული საქონელი და მომსახურებიდან მიღებულია 13.8 ათასი ლარი, რაც გეგმის (10.0 ათასი ლარი) 138.0%-ია.

ü სანქციებიდან (ჯარიმები და საურავები) მიღებულმა შემოსავალმა მთლიანობაში 268.0 ათასი ლარი შეადგინა, რაც გეგმის (6 თვის გეგმა - 167.0 ათასი ლარი) 160.5%-ია, ხოლო წლიური გეგმის (2023 წლის წლიური გეგმა - 348.3 ათასი ლარი) 76.9%-ს შეადგენს და წინა წლის ანალოგიურ მაჩვენებელთან შედარებით (2022 წლის ფაქტი 6 თვე- 163.6 ათასი ლარი) 104.7 ათასი ლარით მეტია.

#### IV . არაფინანსური აქტივების კლება

არაფინანსური აქტივების კლებიდან მიმდინარე პერიოდში ჩარიცხულია 723.9 ათასი ლარის შემოსავალი. მათ შორის: ძირითადი აქტივების გაყიდვიდან მიღებულია 6.2 ათასი ლარი (მათ შორის: საცხოვრებელი შენობები - 0,3 ათასი ლარი, არასაცხოვრებელი შენობები - 5,9 ათასი ლარი) და არაწარმოებული აქტივების (მიწა) გაყიდვიდან - 717,7 ათასი ლარი<sup>[2]</sup>.

2023 წლის ორ კვარტალში გადასახდელების შესრულების 77.1%-იანი მაჩვენებელი დაფიქსირდა, რაც 2022 წლის ანალოგიურ მაჩვენებელთან შედარებით 11.2%-ით მეტია, ხოლო თანხობრივ ჭრილში (2022 წლის 6 თვესთან -12,167.9 ათასი ლარი შედარებით) დახარჯულია 7,080.7 ათასი ლარით მეტი და შეადგენს 19,248.6 ათას ლარს.

გადასახდელების საანგარიშო პერიოდის დაზუსტებულმა გეგმამ ორ კვარტალში შეადგინა 24,957.1 ათასი ლარი, ხოლო გაწეულმა საკასო ხარჯმა შეადგინა 19,248.6 ათასი ლარი, რაც გეგმიური მაჩვენებლის 77.1%-ია. მათ შორის:

- ხარჯების დაზუსტებულმა გეგმამ შეადგინა 13,313.5 ათასი ლარი, გაწეულმა საკასო ხარჯმა - 11,233.5 ათასი ლარი, რაც გეგმიური მაჩვენებლის 84.4%-ი და მთლიანი გადასახდელების საკასო შესრულების 58.4%-ია.
- არაფინანსური აქტივების ზრდის დაზუსტებულმა გეგმამ შეადგინა 11,608.5 ათასი ლარი, გაწეულმა საკასო ხარჯმა - 7,980.0 ათასი ლარი, რაც გეგმიური მაჩვენებლის 68.7%-ი და მთლიანი გადასახდელების საკასო შესრულების 41.5%-ია.

„შრომის ანაზღაურების“ მუხლით საანგარიშო პერიოდში გეგმა განისაზღვრა 1,832.6 ათასი ლარის ოდენობით. საკასო შესრულებამ კი შეადგინა 1,732.2 ათასი ლარი, რაც გეგმიური მაჩვენებლის 94.5%-ს შეადგენს, ხოლო ბიუჯეტიდან გაწეული მთლიანი „ხარჯების“ საკასო შესრულების 15,4%-ია.

„საქონელი და მომსახურების“ მუხლით საანგარიშო პერიოდში გეგმა განსაზღვრულ იქნა 2,164.7 ათასი ლარის ოდენობით. საკასო შესრულებამ კი შეადგინა 1,499.3 ათასი ლარი, რაც გეგმის 69.3%-ს შეადგენს, ხოლო ბიუჯეტიდან გაწეული მთლიანი „ხარჯების“ საკასო შესრულების 13,3%-ია.

„სუბსიდიების“ მუხლით საანგარიშო პერიოდში გეგმა განისაზღვრა 6,057.2 ათასი ლარით. საკასო შესრულებამ შეადგინა 5,281.7 ათასი ლარი, რაც გეგმის 87.2%-ს, ხოლო ბიუჯეტიდან გაწეული მთლიანი „ხარჯების“ საკასო შესრულების 47.0%-ს შეადგენს.

„სუბსიდიების“ მუხლიდან ძირითადად დაფინანსებული იქნა ისეთი მნიშვნელოვანი

ღონისძიებები.

**„სოციალური უზრუნველყოფის“** მუხლით საანგარიშო პერიოდში გეგმა განისაზღვრა 971.8 ათასი ლარით, ხოლო საკასო შესრულებამ შეადგინა 936.2 ათასი ლარი, რაც გეგმის 87,0%-ს, ხოლო ბიუჯეტიდან გაწეული მთლიანი „ხარჯების“ საკასო შესრულების 8,3%-ს შეადგენს.

**„სხვა ხარჯების“** მუხლით საანგარიშო პერიოდში გეგმა განისაზღვრა 2,250.0 ათასი ლარით, ხოლო საკასო შესრულებამ შეადგინა 1,747.0 ათასი ლარი, რაც გეგმის 77.6%-ს, ხოლო ბიუჯეტიდან გაწეული მთლიანი „ხარჯების“ საკასო შესრულების 15,6%-ს შეადგენს.

„სხვა ხარჯების“ მუხლიდან ძირითადად დაფინანსებულია ისეთი მნიშვნელოვანი ღონისძიებები, როგორცაა:

- ბინათმშენებლობა (ბინათმესაკუთრეთა ამხანაგობების განვითარების ხელშეწყობი ღონისძიებები);
- სპორტის, ახალგაზრდული ორგანიზაციების, კულტურის, ძეგლთა დაცვისა და ტურიზმის ღონისძიებების სხვადასხვა სახეობის მწვრთნელთა და წარმატებული მოსწავლეების წახალისების ღონისძიებები და სხვა.

**საფინანსო-საბიუჯეტო საკითხთა კომისია სამუშაო გეგმის მიხედვით, აგრძელებს მუშაობას.**

---

მერაბ უღრელიძე

სამტრედიის მუნიციპალიტეტის საკრებულო-საკრებულოს საფინანსო-საბიუჯეტო საკითხთა კომისია-საკრებულოს საფინანსო-საბიუჯეტო საკითხთა კომისიის თავმჯდომარე